

Na osnovu člana 8. Statuta Fondacije STUDIUM, Upravni odbor Fondacije na sjednici održanoj 14.05.2011.godine, d o n o s i

PRAVILNIK

o dodjeli stipendija i nagrada studentima Univerziteta u Sarajevu

Član 1.

Ovim Pravilnikom propisuju se uslovi, način i kriterijumi dodjeljivanja stipendija i nagrada studentima Univerziteta u Sarajevu, a u skladu s temeljnim ciljevima i djelatnostima Fondacije Studium.

Član 2.

Sredstva za stipendiranje i nagrađivanje studenata osiguravaju se iz sredstava Fondacije Studium. (u daljem tekstu: Fondacija).

Stipendije su oblik finansijske pomoći studentima u svrhu njihova obrazovanja, profesionalnog usavršavanja ili istraživanja.

Nagrada može bit novčana, u stvarima ili u vidu upućivanja na studijsko putovanje a dodjeljuje se studentima koji su ostvarili posebno uspješne rezultate.

Član 3.

Fondacija će za tekuću školsku godinu odrediti broj stipendija i nagrada koji će biti dodjeljeni studentima koji studiraju na Univerzitetu u Sarajevu u skladu sa raspoloživim sredstvima u budžetu Fondacije.

Član 4.

(1) U skladu sa Statutom Fondacije, pravo na stipendiju ili nagradu mogu ostvariti studenti Univerziteta u Sarajevu, talentovani mladi ljudi koji se bave naučno-istraživačkim, kulturnim, obrazovnim ili drugim društveno korisnim radom ukoliko ispunjavaju uslove utvrđene ovim Pravilnikom

Dodjela stipendija

Član 5.

(1) Stipendije se dodjeljuju putem javnog konkursa ili putem preporuke mentora - profesora ili asistenta fakulteta koji kandidat pohađa ili obrazovnih i naučnih institucija.

(2) Isplata novčane stipendije vrši se putem tekućeg računa na ime korisnika stipendije. Isplata se vrši jednokratno ili u mjesečnim ratama .

Član 6.

(1) Visinu stipendije u tekućoj školskoj godini utvrđuje Upravni odbor Fondacije posebnom odlukom, a u skladu sa raspoloživim finansijskim sredstvima Fondacije.

Član 7.

Studenti imaju pravo na dodjelu stipendije iz sredstava Fondacije pod slijedećim opštim uslovima:

- a) da je državljanin Bosne i Hercegovine;
- b) da je student ili da je diplomirao na jednom od fakulteta Univerziteta u Sarajevu
- c) da nije stariji od 27 godina

Član 8.

Kriteriji za dodjelu sipendija su:

- a) dosadašnji uspjeh u školovanju
- b) preporuka mentora
- c) učestvovanje i postignut uspjeh na takmičenjima, izložbama, festivalima i sl.
- d) učestvovanje u umjetničkim ili naučnim projektima
- e) objavljeni radovi ili realizirani projekti

Član 9.

Kao dokaz o ispunjavanju opštih uslova navedenih u clanu 7. ovog Pravilnika prilažu se

slijedeći dokumenti:

1. uvjerenje o državljanstvu,
2. izvod iz matične knjige rođenih,
3. uvjerenje o mjestu prebivališta
4. potvrda o statusu studenta Univerziteta u Sarajevu ili diploma o završenom studiju na Univerzitetu u Sarajevu

Član 10.

Kao dokaz o ispunjavanju određenih kriterija iz člana 8. ovog Pravilnika mogu se priložiti sve potvrde, svjedodžbe, diplome, preporuke i sl. za koje student smatra da dokazuju ispunjavanje nekog kriterija.

Član 11.

Dokazi iz člana 9. se dostavljaju u originalu i ovjerenoj kopiji i ne mogu biti stariji od 6 mjeseci.

Član 12.

(1) Konkurs koji raspisuje Fondacija za dodjelu stipendija sadrži:

- a) naziv i adresu Fondacije koja raspisuje konkurs
- b) vrijeme trajanja konkursa
- c) opšte uslove, dodatne i posebne kriterijume
- d) potrebne dokaze o ispunjavanju uslova konkursa
- e) vrstu, broj i visinu stipendije
- f) druge podatke neophodne za odlučivanje o izboru ucesnika konkursa

(2) Konkurs se objavljuje na web stranici Fondacije.

(3) Rok za podnošenje prijave je 30 (trideset) dana od dana objavljivanja konkursa.

Član 14.

(1) Na osnovu osobnih prijava na konkurs, pismenih prijedloga mentora ili obrazovnih i naučnih institucija, te prikupljenih podataka iz škola, univerziteta, instituta i sl. Upravni odbor Fondacije priprema, kompletira i obrađuje dokumentaciju za svakog kandidata

(2) Razmatranje prijave i prijedlog za dodjelu stipendija utvrđuje Upravni odbor Fondacije. Upravni odbor odlučuje u skladu sa opštim uslovima, dodatnim i posebnim kriterijumima koji su utvrđeni ovim Pravilnikom.

(3) Sve odluke o dodjeli stipendija bit će obrazložene i objavljene na web stranici Fondacije

Dodjela nagrada

Član 15.

Nagrade se dodjeljuju jednom godišnje povodom Dana Fondacije 17. februara.

Nagrada se dodjeljuje pojedincima ili grupama za posebne rezultate postignute u prethodnoj godini.

Član 16.

Visinu i vrste nagrade utvrđuje Upravni odbor Fondacije posebnom odlukom, a u skladu sa raspoloživim finansijskim sredstvima Fondacije.

Član 17.

Pravo na dodjelu nagrade iz sredstava Fondacije imaju osobe koje su državljani Bosne i Hercegovine i koje su studenti ili su diplomirali na jednom od fakulteta Univerziteta u Sarajevu

Člana 18.

(1) Kriteriji za dodjelu nagrada su poseban uspjeh u školovanju, naučno-istraživačkom radu, umjetničkom projektu, na izložbama, festivalima, sportskim i dr. takmičenjima, humanitarnom radu i sl.

(2) Sve odluke o dodjeli nagrada bit će obrazložene i objavljene na web stranici Fondacije

Član 19.

(1) Na osnovu odluke o dodjeli stipendije ili nagrade Fondacija i korisnik zaključuju ugovor kojim se bliže određuju međusobna prava i obaveze.

(2) Ugovor obavezno sadrži:

- a) podatke o ugovornim stranama
- b) svrhu i vrijeme za koje je su stipendija ili nagrada dodjeljeni

- c) visinu i način isplate
- d) druga prava i obaveze ugovornih strana.

Član 20.

Sve stipendije i nagrade su nepovratne.

Član 21.

Svaki stipendista se obvezuje da će nakon završenog studija i po zaposlenju potpomagati rad Fondacije u skladu sa svojim mogućnostima.

Član 22.

Ovaj Pravilnik stupa na snagu danom donošenja.

PREDSJEDNIK UPRAVNOG ODBORA

Semir Zubčević